

Sineriak tamakkerlugu oqaluffeqarnikkut aserfallassimanermut takussutissamik iluarsartuussinissamullu pilersaarusiortoqarsinnaanera pillugu Naalakkersuisut UKA2026 nallertinnagu agguaassassamik nalunaarusioqqullugit aalajangiiffigisassasutut siunnersuut.

(Inatsisartunut ilaasortaq Knud Kleemann, Atassut)

Akissuteqaat

(Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Siullermeerneqarnera

Nunatsinni tamarmi oqaluffinni piffissamut naleqquttumik suliat ingerlalluarnissaasa qulakkeernissaat Naalakkersuisut nassuerutigaa, sinissamilu nunatsinni oqaluffinnut toqusullu inaannut patajaatsumik tunngaveqarnissaannut aningaasaliiffigineqarnissaannut kissaateqarneq isumaqatigalugu. Oqaluffiit toqusullu inaat ilagiinni qitiusumik inissisimaannangillat, aammali tamakkua kulturikkut oqaluttuarisaanermi pingaaruteqarlunnartumik inissisimallutik. Taamaammat illuutit taakku aserfallatsaalinissaannut nutarterinissaannullu siunissamut aningaasaliinissamik tunngavissiiisunik aalajangersimasumik siunissamullu qularnaarisunik eqqarsartoqartariaqarpoq.

UKA 2022/105 ”Oqaatsuni oqaluffiliornissaq siunertaralugu sanaartornissamut pilersaarummik suliaqaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut”-mut uiggiullugu aalajangiunneqarpoq Naalakkersuisut ilagiit suleqatigalugit suliaasaqarfimmut pilersaarusiussasut, oqaluffiit eqqarsaatigalugit nutaanik sanaartornissanut nutarterinissanullu pisariaqartitsinermik qulaajaaffiusumik. Suliassaqaqarfimmut pilersaarut illuutit Namminersorlutik Oqartussanit pigineqartut ilaatinneqartussaasimapput, nutarterinissamullu kiisalu sanaartukkanut aningaasaliissutinik pingaarnersiuinissamut tunngavissiiisussaallutik.

Suliassaqaqarfimmut pilersaarummik taama ittumik peqassappat illuutit qanoq issusaannut tutsuiginartunik nutartikkanillu paasissutissanik pisariaqarpoq. Nalunaarsuinerit kingullit 2016-imeersuupput, taamaammallu naammakkunnaarsimallutik. Taamaammat suliaasaqarfimmut pilersaarummik sulii suliaqartoqarsimanngilaq. Naalakkersuisut digitalikkut nalunaarsuummik inerisaanissamut aallartitsipput, tassanilu qulakkeerniarneqarluni illuutit pillugit assigiissaartunik tutsuiginartunillu uppersaasersuillunilu paasissutissaateqalernissaq. Naalakkersuisut sulissutigissavaat oqaluffiit qanoq issusaannik digitalikkut nalunaarsuiffiup ineriartortinneqarnissaa pillugu ingerlaavartumik sulinermit ilanngunneqarnissaa. Tamanna qulakkeersinnaavaa ilageeqarnermut paasissutissanik nutartersimasunik ataatsimoorussanillu angusaqarnissamut suliniummut ataatsimoortumik ilanngunneqarnissanut.

Oqaluffinnut tunngasunik paasissutissat pisariaqartinneqartut 2026-p qeqqani pigineqalersimanissaat naatsorsuutigineqarpoq.

Paasissutissat taakku pigineqarsimaleriarpata nutarterinissamut aserfallatsaaliinissamullu pisariaqartitsineq pillugu naatsorsorneqarsinnaalissaaq kiisalu suliaasanut pisariaqartunut pingaarnersiuinissamut aningaasalersuinissamullu pilersaarusiortoqarsinnaalissalluni.

Digitalimik nalunaarsuisarneq aamma siunissami immikkoortortaarfimmut pilersaarusiorneq taamaalillutik ilagiit suliaasaqarfianni siunissami suliniuteqarnermi atortussatut qitiusumik atuutissapput.

Naalakkersuisulli maluginiaqqussavaat nutarterinermik aserfallatsaaliinermillu sulineq digitalikkut nalunaarsuummik inerisaanermik suliaqarnermut ataatsikkut ingerlanneqassammata.

Digitalikkut nalunaarsuisarneq sumiiffimmut immikkoortortamut pilersaarummik ataatsimoortinneqartoq, siunnersuuteqartup siunnersuutaanut naapertuuttoq Naalakkersuisut nalilerpaat.

Tamanna tunngavigalugu siunnersuutip allanngortinneqarnissaanut akuersissutigineqarnissaa Naalakkersuisut inassutigaat.

“Naalakkersuisut piumaffigineqassasut aallarnisaassasut, oqaluffeqarnikkut aserfallassimanermut takussutissamik iluarsartuussinissamullu pilersaarusiortoqarsinnaanera suliamut aallartinneqareersumut, paasissutissanik ataatsimoorussanik tatiginartunik nalunaarsuinerinermik ineriartortitsinissaq siunertaralugu Inatsisartunut aalajangiiffigisassatut siunnersuut.”